

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ----- 2016թ.

N-----Ա

**ՈՐՈՇՈՒՄ**

**ԳԱԲՐԻԵԼ ԽԱՆՈՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ  
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**-րդ կետը՝

**Երևան քաղաքի ավագանին որոշում է.**

Տալ համաձայնություն լուսանկարիչ Գաբրիել Խանոյանի հիշատակը հավերժացնող հուշատախտակն Աբովյան փողոց հ. **12** հասցեում փակցնելու համար:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## ՏԵՂԵԿԱՆՔ – ՀԻՄՆԱՎՈՐՈՒՄ

### «ԳԱԲՐԻԵԼ ԽԱՆՈՅԱՆԻ ՀԻՇՍԱՍԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱՂՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Լուսանկարիչ Գաբրիել Խանոյանը ծնվել է **1898թ.** մայիսի 1-ին Արևմտյան Հայաստանի Վան քաղաքում, արհեստավորի ընտանիքում: Հաճախել է Վարազա վանքին կից դպրոցը:

Գաբրիել Խանոյանի մանկության և պատանեկության տարիներն անցել են Վանի Այգեստան թաղամասում, որտեղ ապրել է մինչև հայ ժողովրդի համար ողբերգական **1915թ.** իրադարձությունները: Իր հայրենակիցների հետ միասին **17-ամյա** Գաբրիելը, զենքը ձեռքին մասնակցել է Վան քաղաքի պաշտպանությանը:

Գաղթի ճանապարհին անցնելով՝ Խանոյանները հասել են Ռուսաստան, որտեղ և կայացել է նրա առաջին ծանոթությունը լուսանկարչական արվեստի հետ: Գեղեցիկը տեսնելու նրա ունակությունը նկատել են Կիսլովոդսկում աշխատող ռուս լուսանկարիչները, որոնց աշակերտել է ապագա լուսանկարիչը: **1934թ.** Գաբրիել Խանոյանի ընտանիքը հաստատվել է Երևանում:

Նույն թվականին Երևանում՝ Սպայի տանը, հիմնվել է Խանոյանի լուսանկարչատունը: Երկու տարի անց իր գործը տեղափոխել է Աբովյան **12** հասցե: Կարճ ժամանակահատվածում Խանոյանի աշխատանքներն իրենց որակով և հետաքրքիր բովանդակությամբ գրավել են երևանցիների ուշադրությունը: Լուսանկարչատան առօրյա աշխատանքից զատ, Խանոյանն իր լուսանկարչական տեսախցիկի միջոցով հավերժացրել է քաղաքի բոլոր հիշարժան իրադարձությունները, նշանավոր մարդկանց այցելությունները Հայաստան:

Այսօր Խանոյանի գործերից շատերը պատմական են դարձել, որտեղ ներկայացված են **1930-1970թթ.** Խորհրդային Հայաստանի ձևավորման ու զարգացման անցած ճանապարհը: Նույն թվականներին Գ. Խանոյանն աշխատել է նաև Գ. Սունդուկյանի անվան ազգային ակադեմիական և Ալ. Սպենդիարյանի անվան օպերայի և բալետի ազգային ակադեմիական թատրոններում՝ հավերժացնելով Փափազյանի, Գուլակյանի, Ներսիսյանի և թատրոնի մյուս աստղերի բեմական կյանքը:

Գաբրիել Խանոյանը մահացել է **1981թ.** Երևանում:

Լուսանկարիչ Գաբրիել Խանոյանի հիշատակը հավերժացնող հուշատախտակն Աբովյան փողոց հ. **12** հասցեում փակցնելու վերաբերյալ միջնորդություններ են ներկայացվել Հայաստանի թատերական գործիչների միության նախագահ Հ. Ղազանյանի, ՀՀ քաղաքացի Գ. Խանոյանի և Երևան քաղաքի գլխավոր ճարտարապետ Տ. Բարսեղյանի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության **1999** թվականի օգոստոսի **31-ի** «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2-րդ** կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

**ՏԵՂԵԿԱՆՔ**

**«ԳԱԲՐԻԵԼ ԽԱՆՈՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Գաբրիել Խանոյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

**ՏԵՂԵԿԱՆՔ**

**«ԳԱԲՐԻԵԼ ԽԱՆՈՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Գաբրիել Խանոյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**